

玉山縣志卷二十四

列女 節考 節烈 貞女 烈女

婦人之義從一而終所處有常變之殊而其為貞則一也世有苦節不可貞者義乖從一固非所以訓常若女子許纓身有繫屬或適子舍而代終或老親幃而不嫁均不失為貞由是道而捐軀殉志矢死靡他柏舟所以義莫與奪也皆謂之烈可矣志列女

節孝

明

李文宣妻詹氏伯誠女既嫁而夫有惡疾詹執禮恭甚無幾微見言面夫亾事姑尤謹姑亦患惡疾舉家避之或勸詹去詹曰吾所為未亾人者欲事姑代有終耳豈忍若犬彘

玉山縣志

卷二十四

列女志

一

背棄其親哉躬紡績備湯藥姑亦尋愈年八十餘卒 增通

志 祀節孝

葉德彰妻王氏夫早卒守節不渝洪武間奉旌 通志 祀節

孝

鄭叔松妻周氏夫亾誓以死從家貧撫孤事紡績以養舅姑

孀居五十餘年咸稱節孝 全上 祀節孝

詹清妻毛氏年二十二清歿撫遺腹子垢容惡服誓不再嫁

姑徐久患風癱毛與共寢浣滌穢惡孝謹備至年七十提

學李夢陽題旌 全上 祀節孝

夏曦妻楊臨姑夫亾撫孤瑛守節哀泣喪明瑛領鄉薦出仕

有聲氏孀居六十年壽八十四 全上 祀節孝

王玉妻喻氏給事則成孫女玉故時喻年二十二遺孤日宣

甫六月喻泣仆地剪髮覆棺誓不再醮守節四十餘年撫按督學給賜布帛以勵其節

前府志

祀節孝

舒城

府志作城

妻王氏僉憲受孫女通女訓書傳年二十二城徂

役溺死訃聞王哀痛幾絕子在襁褓紡織供養守節六十餘年巡按李表其廬

全上

祀節孝

程勝祖妻吳氏歸程六年而寡子德茂在襁褓族有謀奪其志者吳誓死撫孤艱苦備嘗卒年八十有五巡按李循義表其門德茂生海膺鄉薦通判福州濬桂陽同知澤清清生鼐歲薦永安教諭曾孫五十五人濬生輝焯皆明經輝樂清訓導焯國子學錄餘皆郡邑諸生吳髦年猶及見之

府志

祀節孝

董百昂

通志百作伯

妻陳氏工部主事陳昂女幼習女訓誦孝經

玉山縣志

卷二十四

列女志

二

年二十七夫故守節奉姑祭葬盡禮撫孤士芳底於成立知縣方中請旌

節通志

祀節孝

庠生卒春榮妻陳氏名睿年二十四榮死陳痛哭曰姑在堂子在乳不得從夫子於地下矢志守節周親莫覩其面者四十餘年侍御洪表其門

前志

祀節孝

處士程維泰妻吳氏知縣吳禎姑也二十孀居門戶蘄蘄邑

令游上其事巡按陳及院司屢加獎賚年七十有二卒

全

上

祀節孝

程嘉賓妻夏氏年十七夫亾遺腹子一孀守育課以延夫嗣

閭里嘉其節以聞院司屢獎

前府志

祀節孝

國朝

庠生徐一鴻妻昌氏新安人鴻歲出授徒昌紡績具甘旨常

任春恐女啼驚舅姑抱持懷中搢搢操杵曰後鴻偕昌依
內兄徙居杭杭俗侈不御布口昌失經織業乃學糊錫箔
取給升斗自灌園蔬買小秫飯兒女而已食糠糜鴻遭亂
死懷玉昌泣血督其子旭齡後十餘年登科第官侍御昌
時道往事訓之曰士能甘貧賤乃可富貴也

按一鴻傳庠生當改副貢

府志 祀節孝

庠生鄭煊

續志誤作煊

妻姜氏孝廉掄芳女也年二十一而寡孝

養老姑撫穉子成立苦節三十年如一日

節前府志

童明煥妻祝氏年二十一守節祝夢蘭妻毛氏年二十八守

節養姑撫子備極辛勤俱建坊

續志增祀旌

並祀節孝以下十九人

程儔妻余氏年二十三夫亾母哀其窮迓以歸諷令再醮氏
恚甚終身不入母門姑老子幼雖烈日嚴霜襁負其子汲

玉山縣志

卷二十四

列女志

三

水拾薪十餘年如一日建坊

全上

祀節孝

葉良材妻周氏年二十三守節孝事老姑姑卒鬻宅以殮棲

身產戶祭葬盡禮題獎曰清標彤管

全上

廩生姜天祈妻徐氏年二十守節撫姪爲嗣教養備篤建坊

全上 祀節孝

庠生吳憲麟妾丁氏年二十一夫亾未有所出嫡魯氏有賢
德待丁如妹或勸令改適丁曰子弱主母老安忍違去且
婦人不二天奈何以賤妾廢禮嫡子事之如生母以節孝

聞旌表

全上

祀節孝

吳欽厚妻羅氏處士秉煥女年二十五而寡誓從夫地下姑
以大義諭之乃強食粥朝暮一溢米姑痛子兩目失明醫
者謂病非六淫不可治氏聞古有舌舐目復明者屢日月

舐之病果痊姑憐氏忍饑作勞乃佯作館態趣之寢倚狀
假寐姑熟睡復起治婦功達旦嘗訓其孤曰惟勤可以修
身也子浩見選舉洙邑庠建坊全上 祀節孝

魏芳通妻余氏年二十七守節卧起一室撫遺孤以事尊嫜
旌表全上 祀節孝

周之美妻胡氏年二十七守節六十一卒庠生舒倓妻吳冬
英姜國順妻潘氏俱年二十四守節吳年九十一卒潘年
八十三卒詹錡妻劉氏年二十二守節六十餘卒祝發龍
妻毛氏年二十一守節卒年八十有三鄭建五妻徐氏年
二十四夫亾遺腹生一子教養成立薄有贏餘建亭造橋
力行善事年九十卒全上

程應隆妻王氏年二十四夫疾篤慮母病子幼反給王曰我

玉山縣志

卷二十四

列女志

四

死若當改適王矢之曰奈何禽獸我竭力奉姑喪葬無失
禮子成立卒年八十有一府志

上高教諭程拔先側室江氏子洙甫四歲教諭終於任汪年
二十六扶柩歸葬艱苦撫兒眼見曾孫林立病不服藥曰
吾今可見夫君於地下矣卒年六十八續志

程授先妻葉氏年二十七夫亾奉事舅姑生葬盡禮撫育二
孤成立年六十卒全上

廩生李天祥妻毛氏年二十七夫故男僅七齡苦心撫育娶
婦生孫未幾子婦並亾家寒徹骨友人陳天桂素重天祥
學行又知母賢延至家衣食之年六十一孫僅成童全上

劉天申妻潘氏年二十二守節翁瞽姑廢疾侍養備極勞瘁
庠生姜天祥繼室鄭氏年二十守節撫孤陳伯達妻鄭氏

年二十守節李于敬妻鄭氏年二十三守節李鳳翔妻詹氏鄭起魁妻周氏俱年二十五守節州同毛大章妻周氏年十九守節俱年逾六十卒

全上

選貢王以仁繼妻周氏年二十二夫亾撫前室子如己子於其幼者延師教督恩義曲至服闋爲長子淮雋授室卽勅斷家事足不踰閾婦請命周曰禮有之舅沒則姑老祭祀賓客固冢婦職也惟晨夕弄孫自娛聞子有過舉輒涕泣不食子長跪謝罪乃已于歸後頗讀孝經內則皆以仁口授族黨以爲有禮太守康基淵匾獎

全上

潘祖球妻鄭氏年二十四守節雖撚斷十指未足膳舅姑哺兩幼子也鬻簪珥忍饑寒必使老年人含飴分甘怡然色笑然後已舅病百計□藥不效姑旣哭子又哭夫憂傷所

玉山縣志

卷二十四

列女志

五

積遂成癰鄭曰非可藥治也吮之浹旬愈二子成立請旌

建坊

以下新增

祀節孝

吳敦本妻毛氏年二十一孀守子甫三月旣無舅姑又鮮伯叔懼無所依以成立也襁負歸母家是年父母相繼沒遺兩髻齡弟毛以一身撫兩姓遺孤閱辛苦數十年蓋孫又生子矣父族亦並茂而重負始釋

徐奪標妻鄭氏父應登太學生初歸徐家故貧廟見後卽撤去簪珥衣布操作以事孀姑供膳不足則紡績以繼姑邁疾扶持抑搔侍湯藥至沒無懈夫病調治六年卒之日死而復甦者三念七歲孤撫以成立強起飲食遣就傅竭機絲佐脩脯子建中學早有成鄭積勞成疾五十四歲卒凌祥妻董氏年廿九夫故誓以死殉姑田我年逾七旬何人

侍養若忍遽輕生耶董悟居喪盡禮請卜地爲同穴計□
昏不離姑左右奉養廿餘年姑以上壽終而董亦五十□
矣每念夫卧瘋疾身無男女七年中扶持起居如昨日事
也嗣子業儒

增生吳洙繼室楊氏年十八夫亡楊未有所育呼天搶地絕
粒數日姑曰爾夫有遺孤善字之卽若子也吾爲爾舅孀
守至今幸爾夫成名得邀旌表輕死何益耶因稍進湯粥
勉繼姑志終始無缺禮撫夫前子極恩勤不恤家貧延師
課讀雖鬻衣典釵數十年無怨言現年六十五

吳霖妻周氏年廿七夫亾哭幾絕累日不飲食姑曰子死媳
在尚可苟延媳死吾難獨生奈遺孤何周慟極而止從容
謂姑曰姑在堂子在抱家無伯叔婦何敢死雖死何以慰

玉山縣志

卷二十四

列女志

六

夫地下迺委曲以悅姑意自奉蔬水甘旨無缺於供年六
十二未嘗與親戚慶筵教子耀寰耀南俱成名

胡景星妻周氏年廿七夫死舅復病侍湯藥惟謹病篤囑曰
若子僅二齡吾病不起奈何周知舅意曰舅保重身體毋
他慮分所當盡婦敢委他人乎後四年子繼亾或憐其無
出勸之嫁周變容正色曰諸姪輩卽吾子也勿妄言生死
胡家婦耳以長房次子繼教讀成立現年五十一

王兆參妻劉氏年廿九孀守紡績食力事姑不以貧廢禮遺
腹子保護備至教養成立六十八歲卒足跡從未嘗踰閩
庠生尹肇榮妻劉氏年廿五肇榮遊粵舟次失足殞命劉聞
訃哀慟欲絕誓志守節婦兼子職母盡父道現年五十一
詹文濱妻楊氏年廿四孀守家計蕭然舅姑年邁奉養二出

紡績而能甚得其歡子六齡保護無所不至謂娶媳生孫可稍慰也子又歿亾撫孫成人以養以教七十九歲卒

吳瑞槐妻王氏年廿三孀守侍奉舅姑生養死葬一以禮撫育孤子教讀無虧始成其名五十五歲卒

鄭攀林妻祝氏年十九孀守孝養舅姑情文備至撫養孤子教讀無虧現年六十四

羅福湘妻吳氏年廿八孀守勤事紡績朝夕無間撫養孤子俾克成家現年六十

吳湘妻王氏年廿四夫亾無子家貧以紡績營生奉養孀姑無缺禮撫繼子成室繼子又歿現年五十六苦節人無間言

朱輝宇妻王氏年廿九孀守侍奉舅姑生養死葬禮無或虧

玉山縣志

卷二十四

列女志

七

及孤子成立極撫育之劬五十九歲卒

周昭濶妻陳氏年廿三孀守遺孤甫二齡孝養甚得舅姑歡勤儉持家紡績不倦和睦妯娌訓子成立五十八歲卒

鄧近山妻姜氏性賢淑年廿四失所天孤子零丁以柏操自誓家貧姑老莫奪其志生事死葬克盡婦職日夜紡績備嘗艱苦現年五十二

蕭逢茂妻黃氏年廿六孀守舅沒姑老饗殮不繼紡績承歡無倦色養其藐孤迄於成立現年七十二

游碧泰妻舒氏年廿四孀守家貧侍養孀姑無懈志撫二子成立現年五十八

陳竣妻冷氏年十七于歸又明年夫外出病故飲冰茹蘖竭力事病姑不間寒暑撫姪成立無異所生現年六十三道

光初學使王給貞筠挺節匾獎

金登泰妻余氏年廿五孀守家貧舅姑早世勤紡績以養遺孤現年五十五孤錫寶成立戚屬慶筵從未往赴以上城市

庠生楊文榜妻詹氏選貢翊謀孫女年廿九夫亾 文桂妻鄭氏監生惟寬女年廿八夫亾皆監生楊正榮媳也詹無出鄭生二子俱幼同志守節孝事孀居繼姑勤儉治家笑言不苟教子煥元煜魁俱成名詹七十卒鄭八十卒楊雲階妻潘氏職員之珙女年廿四生子寶田甫五歲夫亾誓以身殉太姑諭之曰汝勇姑年俱五十予逾八旬汝死此遺孤誰撫字之潘勉起受命孝事太姑舅姑晨昏不懈督子讀書成名以承夫志孫俱業儒現年五十九請旌

玉山縣志

卷二十四

列女志

八

邱堪發妻李氏年廿七孀守撫養二子成立現年六十二徐日盛妻陳氏年廿九孀守家貧紡績以養翁姑撫孤子清來教讀成名九十六歲卒

庠生王如梅妻毛氏年二十孀守遺腹子一撫養教訓底於成立五十六歲卒

王兆堂妻楊氏年二十夫亾孝養翁姑撫繼子成立八十一歲卒

徐尙福妻楊氏年廿三孀守事勇姑克盡婦職撫孤成立六十二歲卒

徐尙祿妻應氏年廿一孀守奉姑無虧婦職教子兼盡父道現年五十一

黃自陞妻黎氏年廿六夫故家貧養勇姑撫二子所需皆出

黎手現年六十八 以上一都

監生王維睿妻吳氏年廿八孀守撫養繼子成立七十四歲
卒 以上二都

錢毓璋妻毛氏年廿三夫故奉事孀姑撫子課孫備極勤勞
六十歲卒

錢玉麟妻李氏年廿二夫亾孝事孀姑撫養二孤成立現年
五十三

錢光科妻祝氏年廿五孀守孝養舅姑撫子成立不出戶庭
人罕見其面四十三歲卒

監生錢光福妻紀氏年廿四生子毓瑛未逾百日夫故孝養
勇姑艱苦備嘗撫孤成名七十三歲卒

錢德隆妻周氏年廿九夫亾矢志撫孤侍奉孀姑尤極篤摯

玉山縣志

卷二十四

列女志

九

現年七十五

庠生程文彬妻王氏年廿四夫故守節撫孤孝養九十六歲
老姑承歡無間現年五十一

程文猷妻毛氏年廿九孀守孝事舅姑撫姪爲嗣教養兼至
孫俱賴成立七十九歲卒 以上三都

徐上賓妻梁氏年廿七夫亾于在襁褓泣曰氏寧以家貧子
幼而有異志乎誓苦守撫孤中年孤又歿梁慟哭幾絕勉
撫兩孫成人備極艱辛現年七十二

張光興妻劉氏年廿三孀守勤儉績紡孝養翁姑撫子以繼
夫後現年七十七

監生尹名楷妻周氏年廿二孀守奉事舅姑皆以壽考終方
舅卧病弗起者七年定省歷久不懈撫繼子釋弱忽罹狂

症逾年不藥自痊僉謂周氏孝感現年五十二
朱性靈妾葉氏年廿五夫故守志不渝事嫡育幼賢惠可風
七十歲卒 以上四都

樂孟育妻徐氏年廿四守節遺腹子一撫養成立學博劉贈
以聯曰與孝子忠臣並峙如蒼松翠柏長春嘉慶庚午年
學使汪復給苦節遐齡匾獎八十二歲卒

詹時和妻陳氏年廿五孀守撫孤成立現年五十九

詹志珠妻李氏年二十孀守撫繼子成人婚配又亾遺幼孫
三資紡績以養以教現年八十四

庠生李參杜妻程氏年廿九孀守撫子成立現年五十一
楊知忠妻詹氏年廿九夫故撫孤子廷榘成立七十六卒廷
榘妻亦氏詹年廿六守節立繼爲嗣七十四卒姑媳同心

玉山縣志

卷二十四

列女志

十

孀守堅貞不渝

雷作潮妻楊氏年廿一守節撫養遺孤成立七十八歲卒
徐紹淳妻黃氏年廿九孀守奉姑孝撫養幼子成立現年五
十

舒文均妻黃氏年三十孀守撫養繼子成立服事翁姑歷久
無間現年五十二 以上五都

祝天瓊妻吳氏年廿八孀守撫養三子成立五十九歲卒
監生羅廷棋妻米氏年二十孀守撫繼子成立現年五十
祝永模妻黃氏年二十孀守撫養繼子成立四十五歲卒
祝天龍妻吳氏年廿三孀守撫育遺孤成立六十二歲卒 以

上六都

柯遠禎妻詹氏年廿七夫亡事舅姑生歿盡禮撫育孤子婚

配成立家世清貧備極勞瘁曾孫二現年七十四

陳可通妻劉氏年廿九守節撫姪爲嗣教養兼至五十七歲卒

毛文清妻祝氏年廿四孀守奉老舅姑生葬無缺禮撫繼子成立現年五十六

毛連城妻任氏年廿八夫亾矢志守節撫孤有成敬事翁姑姑卒遺夫幼弟在乳皆任撫養居舅喪葬祭盡禮現年五十六以上七都

吳永發妻周氏年十七歸吳五月夫故悲號絕粒誓從地下舅姑諭以宗祧大義乃飲泣受命撫繼于如己出教養兼至延師課孫皆其力也初周幼時讀內則知孝道母瞽一載周日以舌舐之目復明及事舅姑亦如其事父母七十

玉山縣志

卷二十四

列女志

十一

歲卒被旌

祀節 □

吳望洋妻楊氏年廿二孀守勤紡績以撫遺孤克底成立八十歲卒

庠生吳應昇妻毛氏年廿八夫故矢志守節撫姪爲嗣教養兩全七十歲卒

吳暄妻鄭氏年二十孀守敬事舅姑撫養遺腹子成立七十歲卒

吳棕妻孫氏年廿九孀守孝養舅姑晨昏不懈撫二子成立五十四歲卒

張仕傑妻徐氏年廿七孀守遺孤一齡撫養成立現年五十七

吳望湖妻王氏年十九夫故家貧無人可繼王績紡度日誓

不改節六十二歲卒

周世鉗妻吳氏年廿六孀守言笑不苟四十年間冰操如一
撫孤廷璐成立現年六十六歲 以上八都

詹元芳妻劉氏年廿六孀守勤儉居家紡績撫孤督責訓誨
俾克有成七十歲卒 以上九都

吳成梗妻毛氏年廿二孀守日夜紡績存活二孤現年七十
二

劉應矩妻陳氏年廿七孀守舅姑衣服飲食靡不躬視一疾
痛苛癢必敬抑搔也撫一歲孤備歷三十四年劬勞卒 以
上十都

毛東陽妻周氏年三十孀守孝舅姑養遺孤有成現年七十
七

玉山縣志

卷二十四

列女志

十二

陳觀道妻吳氏年廿八孀守勤紡績以養舅姑現年五十六
徐世祿妻盧氏年廿八孀守盡瘁三十載以存立二孤乃卒
陳楠蘊妻周氏年廿五孀守現年六十有一雖孤亡媳嫁而
遺孫一人賴焉

庠生徐祥光妾黃氏年廿四孀守敬事嫡共撫嗣子持身勤
儉不苟現年六十一 以上十一都

邱貴山妻譚氏年廿八孀守教三子成人晝灌園夜紵織以
致孝於其姑被旌 祀節孝

祝標積妻劉氏年廿七夫故非紡績無以爲生苦守五十七
年卒

鄭士均妻詹氏年二十失所天遺孤在抱事舅姑一出紡績
喪葬盡禮苦守六十三年卒

任嵩年妻祝氏年廿八夫歿子幼雖窘極無以自存猶苦守族里罕有聞其言笑者年逾五旬未嘗一過喜慶家

吳瀚繼室戴氏年廿二子未及週夫歿以舅姑爲己責姑疾藥不效百計圖存幾斃命妯娌稱其誠五十七歲卒

陳方言妻祝氏年廿一守節子良棟僅及週姑已早逝遺夫弟纔三齡皆賴撫養成立知縣李獎以節培丹桂匾額年踰八十卒 以上十二都

方良華妻胡氏年廿五孀守事姑撫嗣紡績無間寒暄近八旬猶未倦勤 以上十三都

賴氏歲居步古際多節孝 汝溪妻饒氏孀守年二十撫姪嗣赤貧無二志五十一歲卒 士寶妻鍾氏孀守年廿七子世燦尙幼自奉飭粥紡績有餘貲卽具甘旨進姑六十

玉山縣志

卷二十四

列女志

十三

五歲卒 光親妻陳氏孀守年廿三事姑撫孤備極辛勤時仰妻連氏孀守年廿五盡禮舅姑孤歿以姪嗣教養尤篤 明舉妻魏氏孀守年廿七教讀遺孤翁姑嘉其孝皆現存者年逾五六十 以上十四都

姜曰楠妻徐氏年廿六孀守克孝舅姑遺孤炳四歲煦二歲以養以教至於成立五十一而終 王氏者志學妾也性端謹事嫡如禮年廿二未育而志學病篤氏矢之曰死傍姜氏土耳其白是屏跡樓居五十四年 文淦妻明經徐之潮女少嫻家訓夫故年二十遺三歲孤曰梓慟幾絕復甦曰姜氏兩世只此點血耳紡績以盡教養侍老姑寢膳無違姑疾終夜不敢就寢現年七十九

陳連璧妻蔡氏年廿九夫歿事老姑能體其志勤育二孤夜

績課讀黎明卽呼起就塾雖一家五世共爨操井臼不辭勞瘁七十餘歲卒子德健妻氏詹年五十六性貞靜識大義嘗默禱進湯以療夫病及卒詹年廿四無出誓從夫地下其太姑與姑慰之曰汝娣已舉子今娠而男俾後汝夫矣逾二月生男撫爲己子鞠育甚周

董□轡妻徐氏年廿四孀守撫孤艱苦備嘗現年六十五董肇觀妻孫氏年二十孀守撫兩月遺孤孤大浩稍長謂之曰汝父救人於險必當有後母隳讀書志也及補邑庠知縣曾以柏節松齡匾獎八十四歲卒

歐陽文炳妻姜氏年廿八孀守姑老子幼無伯叔可依資辛勤具甘旨必怡顏以進延師課讀使子承其業現年五十一
以上十五都

玉山縣志

卷二十四

列女志

十四

李觀妻王氏年廿八守節順老姑督幼子井臼外一無所知詬誶不聞冰霜自矢現年六十一

柯念華妻曾氏年廿八孀守撫育嬰兒身任勞瘁遭姑廢疾恒推食伯氏以得其歡現年五十七

曾吉孚妻鄭氏年十九守孀滫瀡無缺於舅姑延師教遺孤不隕其志四十歲卒

倪有義妻鍾氏年廿五守孀家無餘粒減己食以奉舅姑及遺孤成立而憂少釋七十二歲卒

以上十六都

王兆良繼室吳氏秉性淑柔素嫻內則兆良當兵部差官以親老疾回籍終養吳佐視湯藥竭情致孝兆良終喪起復赴選病故吳年廿九迎柩歸里誓從九泉時側室李氏生棻纔數月曹氏生如梧亦僅五齡吳念兩孤俱幼家政莫

操勉強飲食扶柩殯葬涕泣語李氏曹氏曰夫君供職有年薄產幾盡汝二人勤儉教子成立庶了未亾人願耳因與斂跡深閨不衣帛不赴宴會其銖積寸累以課二子者皆數十年紡績之力也如梧太學生菜邑庠生屢舉優行菜生母先卒學使潘嘗給荻式松貞匾獎吳現年六十九諸孫林立長冕業儒

鄭元爨妻徐氏年十九孀守克盡孝養撫育遺孤成立五十三歲卒

鄭廷機妻蘓氏年廿五孀守孝養舅姑撫育遺孤成立五十四歲卒

徐敬敦妻許氏年廿八孀守李養舅姑撫子教孫現年八十四

玉山縣志

卷二十四

列女志

十五

李秀斌妻楊氏年廿九孀守孝養舅姑撫育繼子成立現年五十

李攀桂妻楊氏年十八孀守孝養舅姑撫育遺孤成立現年五十一

張起彝妻柯氏年廿三孀守孝養舅姑撫育繼子成立六十七歲卒

庠生劉豐妻詹氏年廿七孀守孝養舅姑撫育遺孤成立現年六十二

以上十七都

劉首乾妻邱氏年廿二孀守撫育遺孤成立現年六十

何仕壽妻章氏年廿一孀守撫育遺孤成立現年六十三

以

上十八都

傅正鍾妻姜氏年廿四夫亾止一女子尙在娠也舅沒姑老

雖艱於菽水事之必盡其歡及子年近五十但日以弄孫自娛初不言苦節

毛兆璵妻傅氏年廿七孀守孝養舅姑撫育繼子成立現年六十五

徐履謙妻程氏年廿九夫亾誓以死從太姑曰女不念子幼獨不念予老乎程勉進食勤紡績太姑病侍湯藥不離及歿葬祭盡禮四十四歲卒 以上十九都

周光遠妻黃氏年三十孀守撫養遺腹子成立八十五歲卒

趙明助妻王氏年廿一孀守撫養遺孤成立八十六歲卒

胡啟斗妻周氏年十九孀守孝養舅姑撫育繼子成立七十八歲卒

黃正權妻俞氏年廿七孀守孝養勇姑撫育繼子成立現年

玉山縣志

卷二十四 列女志

十六

五十六

增生王江雋妻吳氏年十六歸江雋而江雋病腫易狂怒每人侍湯藥輒遭扶有爲之戚者曰易怒病耳愈當自止歲餘無怨色亦無倦容病篤江雋目吳謂所親曰如此艾年終屬他人婦耳吳聞之中夜飲泣欲先夫死遂自經懸絕得不死江雋卒吳年廿八幡然堂上姑子樹荀樹荃俱幼每慟哭幾絕未嘗不念仰事撫育強吞聲忍淚也遣二子就傳義方之嚴過於師保二子先後爲諸生益期以遠大及樹荀迎養湖南唯以勤慎廉仁爲勗凡所衣食無異窮經生母焉年六十年於署庠生渭雋妻舒氏於吳爲叔姒事姑孝事夫敬年廿九渭雋病屢籲天以身代及卒慟不欲生旣而語吳曰一月遺孤夫不絕如縷與若共爲未亡

人難以死塞責也於是出入必偕冰操共勵後吳十□年而卒

玉樹芬妻周氏年廿八夫亾以遺孤故節哀盡禮有祖姑周氏風舅淮雋與夫相繼歿事姑色養無少懈爲孤授室生孫孤沒僅存田十餘畝猶能躬勤儉以撫諸幼孫不致鬻先人產現年五十九 以上二十都

陳仁誥妻林氏年廿三孀守孝養舅姑撫遺孤有成卒年八十三孫曾林立儉泊居家手置田產垂老猶勤

徐欽發妻張氏年廿九孀守侍奉太姑舅姑孝養備至撫育遺子延師教督現年七十六猶勵子孫勤儉讀書子遵禮庠生

監生徐克勤妻余氏年廿九孀守善承夫志孝養舅姑每紡

玉山縣志

卷二十四

列女志

十七

績中饋暇則以義方訓子孫成均庠序並有聲八十二歲卒

徐望江妻毛氏年二十孀守家貧子亾撫育繼子成立現年六十四

葉承繡妻陳氏年廿九孀守育螟子五十八歲卒 以上二十都

鮑景淵妻查氏年廿九守節孝養舅姑撫三遺孤成立現年五十二

趙振熊妻毛氏年廿二守孀事舅姑撫孤六十九歲卒

趙元源妻許氏年廿九孀守甘貧勤績撫孤現年七十五

韓開畿妻徐氏年廿三孀守誓死不嫁孝養舅姑撫繼子有

成現年六十八

洪揚斐妻喻氏年廿一生子未彌月夫歿誓以身殉時舅與
祖姑在堂諭以撫孤爲重強起受命家故貧資紡織佐膳
未嘗以匱乏告舅與祖姑繼歿哀痛盡禮經紀喪葬教子
讀書期光大門間孫鈞補弟子員現年七十五道光二年
請旌 以上二十三都

吳伯達妻鍾氏年十七歸伯達入門遭姑喪哀慟逾節生子
敦賢敦懷而伯達歿時年廿七念翁老子幼勉作未亾人
勤緝織以事翁雖家貧甘旨不缺翁歿喪葬盡禮教二子
有義方七十八歲卒

羅文勇妻吳氏年廿七孀守孝養舅姑撫遺孤及孫成立現
年七十六

顏仕榮妻張氏年三十孀守孝養舅姑延師課子不少姑息

玉山縣志

卷二十四

列女志

十八

八十一歲卒

顏學淮妻吳氏年廿二夫歿矢志靡他事孀姑得其歡心撫
孤子成立始終斂跡深閨不踰闕者二十二年卒

顏學銘妻陳氏年廿五孀守勤儉治家撫繼子成立現年五
十七

顏學鉞妻吳氏年廿二孀守孝養舅姑延師課子俾克成立
現年五十二

顏天栩妻張氏幼端莊孝事父母十七歸顏時舅姑暨祖勇
姑在堂並得歡心夫歿張年廿七遺孤三俱在襁褓哭之
哀誓不欲生舅姑諭以撫孤爲重始飲泣受命督子力學
不事姑息三十年如一日子祿珪補弟子員

顏學釜妻吳氏年廿七孀守孝養舅姑撫孤子成立現年六

張維址妻花氏年廿一夫亾子方在娠踰月葬柩出至路而子生因名曰路辛勤撫養教以成立事舅姑無失職路年七十爲母洗腆同邑進士尹文炳贈以耄操古稀匾額逾六載乃卒

吳開懇妻張氏年十九歸吳事勇姑能得歡心生子光復甫一歲而夫歿時年廿二矢志守親遭舅姑喪哀痛盡禮撫孤子成立現年七十五以上二十四都

吳伯挺妻黃氏少以孝聞年十七歸伯挺家故貧親操井臼不辭勞勩生子敦朝敦忠而伯挺歿時年廿八哀慟昏絕旣而思曰姑老子幼吾今日不難於死而難於守遂嚴鍵閉勤紡績以資姑饌子稍長督責防閑不使少流宴佚姑

玉山縣志

卷二十四

列女志

十九

亾二子後先繼歿黃益瑩子念長子生孫七岐嶷異常兒辛勤撫養教以習正務親正人不數十年孫曾崛起科第仕宦爲通都望族乾隆十三年旌表祀節孝

吳士發側室馬氏年廿九夫亡矢志守節撫子文仁文健文俊就傅歸篝燈自課雖嚴寒酷暑不少輟比長督責益嚴每引古大賢名臣以勵之及文健成進士文仁文俊皆登仕籍處之泊如無喜色或怪之曰儒者事業無窮豈科第仕宦可了子請迎養不許曰毋以累汝治家內外整肅遇祭祀誠敬有加性極勤儉而好行陰德凡歲戚有貧者必周濟之嘉慶四年由錢塘縣請旌祀節孝

吳士仰妻蘇氏年廿八夫歿痛欲身殉念夫本出繼丈無子當勉爲其難遂請於本生姑撫姪文蔚文雅爲嗣延師課

讀不少姑息嘗詔兩嗣子曰爾父與伯叔同事艱苦遺命爲我後者家產悉照七兄弟均分不得以我過繼妄思析半今爾讀書明理當知和睦周親毋使爾父抱憾九原後分產恪遵蘇命以文雅捐授州同加級贈宜人嘉慶十三年旌表長孫瑛登賢書

祀節孝

吳士哲妻林氏性孝十歲時父病癰疽甚篤朝夕禱天願以身代父病尋愈十七歸士哲士哲貿易姑蘇晨昏定省皆賴林先意承顏無內顧憂結褵八載生二子而士哲歿時林年廿五誓以身殉絕水漿者數日姑諭之曰爾夫不祿命也爾死如藐孤何吾老矣毋重傷吾志林始強起就食終身縞素不踰閨闕惟日潔滌澹以博姑歡撫子文廉文儀教督成立次子文儀無子先林數月卒命文廉以次子

玉山縣志

卷二十四

列女志

二十

章鈺嗣章鈺籍隸杭州嘉慶四年由杭州請旌

祀節孝

吳文正妻賴氏小字午娘年十八歸文正夫本抱病未四十日而亾賴矢志靡他孝養勇姑撫姪爲嗣教督成立垂五十餘年未嘗聞其笑語嘉慶九年旌表

祀節孝

庠生吳文瑤妻郭氏少有至性家濱河父隔岸耕田抵暮郭必詣門候父歸一日見父涉河至急流失足將淌去卽哭喊躍入水衆聞喊奔救父女始免胥溺時以曹孝女目之年十七嫁文瑤爲繼室勸夫勤學有雞鳴戒旦風文瑤入邑庠勉之益力庚子鄉試文瑤病歿於省郭年廿九聞計大慟喪歸以頭衝棺者再誓不欲生族房遮攔抵阻諭以事姑撫子大義始飲泣受命屏飾去華晨夕不離姑側姑有求必備未嘗偶缺甘旨子二皆聰慧延師教讀異成夫

志未幾姑亡長子殤撫次子尤謹次子授室後夫妻相繼
歿僅獲一啞孫不絕如綫嘉慶十七年旌表 祀節孝

吳文饒妻顏氏賦性端淑治家有道遭姑喪哀痛盡禮事繼
姑尤謹年廿七文饒病咯血舅亦卧病在牀顏兩視湯藥
不解衣帶者經年文饒歿勇以傷子疾篤旋卒顏與繼姑
同寢處扶持抑搔不少倦繼姑嘗患弱症需參木鬻衣釵
佐之撫夫兄子章瑄爲嗣教督成立現年六十六繼姑亦
壽近八旬精神矍鑠皆顏孝養所致嘉慶十七年旌表
林長掀妻顏氏年廿九夫歿遺孤甫四歲家赤貧父母勸其
改嫁泣曰舅姑垂老所需菽水幾何顧兩世僅此藐孤去
將誰屬遂矢志守節撫子成立歷四十二年而卒後嗣多
列庠食餼

玉山縣志

卷二十四

列女志

二十一

林文佐妻吳氏年廿三孀守孝養舅姑撫繼子懷香教督成
立五十一歲卒

林士瑾士珊並娶顏氏兄弟相繼亾瑾妻年廿三珊妻年二
十娣姒矢志孀守出同操作入同寢處撫養繼子善事舅
姑越四十年無變志瑾妻現年六十五珊妻現年五十九
稱林門節者首推二顏

林高蓬妻廖氏年廿二孀守孝養舅姑撫孤成立現年五十
二

黃元澗妻楊氏年十八歸元澗相夫有道念勇姑已亡尸祭
必誠必敬舉丈夫子三而元澗歿時年廿八哀痛盡禮家
故貧或諷其他適楊截髮自誓足不踰閩撫養成立皆教
以勤儉營生七十二歲卒

黃志瑤妻林氏年廿九孀守孝養舅姑撫遺孤成立五十八歲卒

張如鈇妻玉氏年十九孀守事姑能得歡心撫嗣子成立現年八十四

張學潛妻陳氏年廿二孀守孝事舅姑撫孤成立現年六十二以上二十五都

王仲輝妻姚氏庠生姚際盛女也年十七歸王甫一月夫故欲以死殉姑諭以義乃含哀強起事姑撫兩族子嗣名生孫一曰應勲應元兩嗣繼亾勲又亾益勵志訓勲元之成立請旌建清標彤管坊卒年九十一勲妻謝氏親見孫生孫者十餘人 祀節孝

賴汝明妻張氏歸賴五年生一男而夫故欲殉之舅姑曰撫

玉山縣志

卷二十四

列女志

二十二

孤與死孰難乃聽命孝養無違男賴成立八十五歲卒

庠生劉鶴鳴妻吳氏年廿七夫故矢靡他唯祇事舅姑鞠育遺孤姑卒哭之喪明現年六十五以上二十六都

李興發妻周氏年廿七守節拾株實療饑勤紡績以膳老姑子孫業儒賴檢討峯贈萱秉松操匾獎現年七十三

邱際唐妻程氏庠生邱書祥之母年廿五守節養舅姑書祥與其兄光蘊又俱早故無出程撫繼孫爲嗣現年五十四邱叔鑑妻程氏年廿五孀守甘貧紡績奉事舅姑義方訓子至老不倦現年八十三

陳新醮妻黃氏年廿六孀守敬事舅姑定省無違撫養一子俾其成立現年五十二以上二十七都

童應瑁妻程氏年廿一守節撫遺腹七月孤名之曰達魁試

文童不售遂習武入庠而歿媳林氏依姑矢志貧苦不移年五十猶事程如作新婦時也林無出待繼爲嗣程現年七十二足稱童家坊雙節

山頭店王起沛妻葉氏 文模妻李氏亦以雙節著葉年廿三夫故無子或勸其改志曰吾舅姑誰與養也劉學博彪以勗貞匡石匾獎六十八卒以叔子嗣李年十九歸王甫三月而夫染惡疾卧床七載躬紡績供湯藥及卒李年廿七甘貧撫孤事勇姑尤謹現年五十一

花大門陳姓又有稱雙節者庠生基妻吳氏年廿七夫亾孝侍孀姑子三訓以義方年七十四卒 梧妻余氏夫亾年廿三終事舅姑孝謹撫嗣艱苦成立現年八十二

孫文生妻楊氏年十八守節奉養舅姑甘貧勵志撫繼爲嗣

玉山縣志

卷二十四

列女志

二十三

至八十三終郡守周錞元匾以冰霜節操獎焉

武庠王飛熊妻余氏年廿六夫亾家貧甘苦自守事孀姑孝謹撫孤成立現年五十八

余兆均妻程氏年廿五夫亾矢志苦守孝養舅姑撫孤成立現年五十二

王懋通妻葉氏年廿九孀守甘貧事姑撫子孝慈無虧現年五十二

王思懋妻陳氏年廿九夫故勵志孀守奉事舅姑撫孤成立現年五十 以上二十八都

楊宗民妻巫氏年廿二夫故誓志貞守養孀姑撫孤成立五十三歲卒 以上二十九都

雙溪口葉氏有節孝婦四人焉元哲妻蘇氏郡庠士楷孫婦

也年廿三歸葉明年姑卒元哲繼亡翁慮嗣斬娶繼室又
納妾踰年翁亦卒時楷妻尙在蘇事祖姑及二姑曲盡婦
道從伯倉爲立嗣起錫生孫不育而起錫亡現年七十
庠生元馥妻王氏年廿三夫亡欲身殉翁諭以義乃撫繼
養舅姑備極勤瘁現年五十六 兆蘇妻程氏 文惠妻
楊氏俱年廿五孀守撫繼爲嗣壽逾七旬乃卒賓貢童其
遷贈楊詩云守身清潔欺霜雪矢志堅貞傲柏筠立後爲
夫完大節他年不愧未亡人而程之食貧苦節尤有難者
陳彬妻程氏年廿四孀守矢志堅貞撫繼爲嗣八十歲卒
姚樂芸妻汪氏年廿四勵志孀守訓諸姪成立清潔無玷現
年七十七 以上二十都

周日德妻張氏年廿六夫亾事翁撫繼六十二歲卒其族榮

玉山縣志

卷二十四

列女志

二十四

賓妻謝氏年廿五夫亾撫繼勵志甘貧現年八十二

葉應祥妻王氏庠生葉庭芳之母年廿五孀守撫孤成名現
年五十三 以上三十一都

庠生蔡朝聘妾馬氏年廿五與嫡守孀嫡沒遇嫡子士仰士
望厚於己子卒年五十八子士俊請旌 祀節孝 士仰妻賴氏

年廿三夫亾子庠生元河娶顏氏年廿四夫又亾姑慈媳
孝相倚四十年並壽終時稱三世守節云顏無出姪嗣

雷德修妻周氏夫亡守節撫族子鴻翱嗣年逾五十得旌後

乃卒

祀節孝

張大鏃妻李氏年廿四守節撫嗣現年六十九

祝德光妻毛氏年廿六守節撫孤現年五十一

魏志魁妻李氏年二十守節現年五十二謹事孀姑撫三月

孤成立其約束有方充足法

李鳳翔妻詹氏年廿四孀守奉養翁姑惟謹撫育孤子成立
卒年七十九 以上三十二都

儒士邱巖妻王氏年廿五 峻妻俞氏年二十兄弟同舟應
郡試俱溺於水娣姒矢志終事翁姑無出以姪繼現年
五十六王撫孤成人娶汪而孤又歿現年六十同志苦節
清潔無玷稱一門雙璧 以上三十三都

陳廷五妻楊氏年廿七孀守孝事老姑克盡婦道撫育遺孤
成立六十五歲卒

顧曰寬妻余氏年廿九孀守奉養繼姑卒無懈志勤儉紡績
撫孤成立現年六十九

顧曰聰妻李氏年廿九孀守善事翁姑得其歡心撫養三孤

玉山縣志

卷二十四

列女志

二十五

成立視年七十

鄭清玠妻羅氏年廿二孀守無子以叔姒男泰昌爲嗣飲食
教誨如同所生現年五十六 以上三十四都

陳鏞妻余氏年廿九守節躬親家政日夜勤勞孝養繼姑甘
旨必供撫育遺孤俾克成立現年五十四 以上三十五都

陳玉書妻余氏年廿四孀守舅姑早逝煢然無依撫養遺孤
備極勤勞六十四歲卒

監生余廷杞妻董氏年廿一守節姑老女幼遺孤英甫七月
董仰事俯育誓代夫終曰余門三世形單影隻身當兼
全子父道方無憾耳及姑歿盡禮英補邑庠然終不色喜
爲痛其夫君未及見也六十七歲卒孫輩成行 以上三十

六都

顧世銘妻詹氏年廿五孀守遺腹子一以家事付內兄管理
杜門不出持節撫孤至於成立七十五歲卒

姜吉仔妻何氏年十七歸姜未半載夫涉水溺死何觸地誓
殉其孀姑以立繼大義諭之遂撫伯之穉子爲嗣嗣子又
歿何終守苦節至五十二卒

劉光彪妻鄭氏年廿三守節事孀姑無缺定省男婚女嫁均
出一手現年六十九

廩生林世粥妻邱氏年三十守節姑媳孀居形影相弔勵志
撫孤成立知縣李公鴻翔匾其廬曰雙節流輝

林宗疇妻吳氏年三十孀守勤紡績孝翁姑撫養二子長男
華蜚聲鬢序現年八十

林良根妻徐氏年廿七孀守孝事病姑謹侍湯藥撫育孤子

玉山縣志

卷二十四

列女志

二十六

成立現年六十四

姚光祥妻陳氏年廿四孀守事舅姑督諸子以孝慈稱現年
五十四 以上三十七都

何維參妻吳氏年廿一夫故孝養孀姑撫孤成立嘉慶間學
使汪給苦節遇齡匾獎八十四歲卒

宋伯興妻羅氏年十七孀守日夜紡績上養孀姑下育孤子
現年六十八

何仕海妻毛氏監生尙德之姑選貢世球祖姑也年廿二而
寡遺腹子學寶歿以姊子嗣又歿遺孫一甫二歲孀媳徐

年二十共貞守無玷撫孫成立毛六十二歲卒徐現年五
十四 以上三十八都

鄭起桂妻詹氏年廿六孀守善事舅姑備歷艱辛撫孤子成

立七十三歲卒

吳敦麟妻鄭氏年廿五孀守撫養繼男成立七十九歲卒

吳士深妻黃氏年廿五孀守事翁姑無缺禮撫二子有成六十三歲卒

邱泓淮妻黃氏年廿五孀守敬事勇姑婦道克盡撫養二子成立慈德足式八十歲卒

邱朝儼妻李氏年廿五孀守撫遺孤善事孀姑孝養無虧八十歲卒

吳敦寬妻余氏年廿七孀守孝舅姑教二子成名嘉慶間學使王獎給節堅萱茂匾額八十六歲卒

鄭天裕妻潘氏年廿九孀守事姑撫孤兩盡其道七十歲卒
歐陽璋妻周氏年廿九孀守孝事舅姑二子依以成立現年

玉山縣志

卷二十四

列女志

二十七

七十

邱之冠妻賴氏年廿六孀守養老姑撫孤子現年六十七以上三十九都

貢生陳家瑗妻尹氏年廿四孀守事舅姑孝道無歉撫繼子殫矢志不渝現年六十七

江天錫妻李氏年十九夫亾撫姪嗣辛勤教督必期於成至五十卒罕有見其面者

庠生姚光樂妻戴氏年廿九夫亾矢志堅守撫子成立七十二歲卒
元登妻蔡氏年廿四孀守長男光南亦早世媳

林氏年廿七無子相與撫立繼嗣教督有成蔡年七十九
林年六十六姑媳俱以清節無玷卒
玉秋妻柯氏年廿

四矢志孀守時家無擔石薪水資皆撚出十指現年六十

八 玉韶妻張氏年廿六夫卒兒未晬即矢靡他躬勤紡績孝養孀姑撫子成立現年六十一凡姚氏以節著者五人

鄭永清永江兄弟相繼卒清妻謝氏年廿三江妻黃氏年廿六二人誓不俱生姑曰予老且病誰爲撫此呱呱者於是盡屏鉛華各承姑志愉容婉婉諸娣姒微覘之無日無淚痕也謝年六十有八黃年六十有五每見子婦繞膝嘻嘻二人輒慘然不樂

洪廷卿妻樂氏年廿四孀守舅姑賴以養撫遺子有成四十
五歲卒 以上四十都

朱景曦妻雷氏年廿九守節孝養孀姑撫育孤子兩盡其道
七十七歲卒

玉山縣志

卷二十四

列女志

二十八

姜子錫妻吳氏年廿八孀守子女俱幼事孀姑孝養備至紡績度日撫子成立八十七歲卒

黃廷松妻王氏年廿九夫故侍奉孀姑甚得歡心日夜紡績教子八十一歲卒

林廷簡妻姜氏年廿二守孀家貧躬紡績撫孤子事舅姑盡禮現年六十 以上續城市

武庠朱景昂妻楊氏年廿四夫亾孝養孀姑雖貧無缺禮育繼子有成八十四歲卒 以上續三都

庠生毛大倫妻周氏年廿九夫逝家貧或勸其他適誓曰吾直餓死不能爲狗彘行也苦守六十八歲卒

陳廷晴妻祝氏年廿二孀守甘貧遺腹一子撫養成立現年八十五

毛達夫妻詹氏年二十而寡孝舅姑撫繼子嗣現年七十八
以上續十都

吳世澄妻徐氏年廿九失所天勤儉治家撫育課督子文椿
恩貢孫四人俱列膠庠苦守四十九年卒

柳其梓妻周氏年十八夫故無子矢志貞守不出戶庭孝舅
姑撫繼男備歷辛苦現年五十二
以上續十一都

李永體妻曾氏年廿四孀守奉事老姑撫育孤子現年五十
二

邱九臯妻陳氏年廿一夫故子甫週誓不再適忍飢寒撫孤
兒以承夫後中饋外妯娌或詢以家事則曰未亾人不敢
言現年七十

莊允位妻李氏年廿六守孀善事舅姑孝養無缺撫繼爲嗣

玉山縣志

卷二十四

列女志

二十九

從不與喜慶事現年八十八
以上續十二都

王寯妻周氏年廿四夫故家貧撫繼子興祥成立艱苦不移
五十五歲卒

周兆麒妻吳氏年廿二孀守撫襁褓孤兒每破涕作笑容以
娛勇姑八十四歲卒

王大纁妻周氏年廿四痛夫亾欲殉姑慰之曰媳死孫幼奈
王門似續何周承順收淚且養且教雖子已生孫而飲泣
如故現年六十一
以上續十三都

李乘時妻董氏年廿四孀守孝舅姑勤紡績以奉甘旨撫遺
孤教讀成立現年六十一
以上續十四都

庠生廖綸妻洪氏年廿九孀守素嫻內則事老姑撫孤兒一
如禮節現年五十三

楊世海妻鄭氏年廿六守節姑老子幼無以爲生日夜紡績以佐飭粥有勸其再事者即厲色曰婦人安有二天也七十一歲卒以上續十五都

王應麟妻邱氏年廿九夫亾僅遺一幼子家貧績紡度日至老猶勤現年七十三

柯念應妻吳氏年廿八孀守孝舅姑撫孤兒現年五十五以上續十六都

潘廣魁妻鄭氏年廿二守孀事舅姑始終不懈撫繼子大經恩義兼至現年五十一

鄭毓珍妻吳氏年廿七孀守事勇姑無缺定省教養遺孤一本義方六十歲卒以上續十七都

周文燭妻張氏年廿六孀守撫育二子教讀婚配之資俱出

玉山縣志

卷二十四

列女志

三十

一手現年五十六以上續十八都

庠生王沛妻劉氏年廿六孀守躬勤紡績以養舅姑延師教子底於有成六十七歲卒以上續十九都

吳開標妻顏氏年廿二而寡孝養翁姑撫孤成立苦守至七十二歲卒以上續二十四都

節烈

元

壽安蒙古人妻楊氏貴溪人至正庚寅壽安監玉山壬辰春寇偪信城左丞相命壽安領兵拒之累戰不利中流矢死

楊氏聞之哭數日不食死前志 祀節孝

明

孫景雲妻鍾氏浙江上虞人景雲以進士爲玉山令宏治十

五年卒於官鍾哀悼迫切自縊以殉提學邵寶爲之立亭
記其事於石

通志 祀節孝

李鴻妻孫氏流寇剽掠孫與側室俱被執側室方有娠孫謂
之曰爾死如李宗何乃給賊請以所攜金贖之既脫側室
遂抱橋柱厲聲罵賊賊怒磔之事聞旌表

全上 祀節孝

國朝

姚玉上妻惠氏年少姿美同夫避亂三十八都巖下遭賊搜
捕挾以上馬堅拒不從賊怒亂刃副之

前府志 祀節孝

吳昇妻詹氏遭亂遇賊於三十八都洪橋溪被賊執有子在
抱義不受污母子投河死

全上 祀節孝

鄭永祿妻王氏子甫一歲戊子年三月初二日被亂兵所執
堅志不從抱子投河死

全上 祀節孝

玉山縣志

卷二十四

列女志

三十一

庠生程觀象妻舒氏丁亥被兵獲脅之不從即解所佩剃刀
割頸血淋漓仆地兵驚走久之始甦戊子夫婦避亂山中
夫被戮舒伺賊退收骸掩葬年方二十有勢豪謀奪娶者
斷髮死拒之養姑訓子凡二十餘年

節前志 祀節孝

貞女

國朝

舒氏女許字艾廷勳年十八廷勳卒從母往弔見翁姑年老
侍養乏人即謝母畱代夫終事翁始流涕曰事非朝夕汝
年少母以吾兒誤也舒泣曰嘗聞吾母之訓矣婦人貞吉
從一而終翁姑復曰吾家世貧薄寧不懼餓死乎又泣曰
與失節寧餓死遂畱撫猶子爲子姒詹氏孀守已三年微
有去志見娣之畱也遂誓守共紡績事翁姑翁臨終曰不

知艾氏何德得此賢婦道光壬午請旌現年八十節魯厚
畚初稿

許菊姑尙明女年十三字徐忽右膝病癰癰痊足微跛徐氏
子欲別議婚父使媒氏致命曰願以少女代徐允焉妹聞
議已成亟紵姊臂奪金條脫去明年妹適徐旋卒而菊姑
誓不適人孝養父母以終魯鴻五雲館錄

王春英性貞靜年二十許聘母舅吳之姪夫故誓不再字勤
修中饋奉親益篤年四十二父亾五十六母故而兄亦歿
兄子事之如母以下新增

畢瀛妻劉氏年十一歸畢爲童媳夫歿尙未合卺也劉清貞
自矢孝養舅姑無少缺撫養繼子成立年六十一

程節姑士祿女年及笄未有兄弟且母多病慮湯藥之無依
玉山縣志 卷二十四 列女志 三十二
也遂矢志不字盡情孝養至三十八歲而生母病故勸父
續娶復孝事如初後舉弱弟與繼母同撫成立終貞其身
以七十四歲卒

烈女

宋

舒氏二女紹興間值苗傅亂被執將逼與俱二女佯許之行
至崖塹側二女相目執手投崖死其塚在縣治西七里周
坂園中豫章書 祀節孝
按苗傅之亂在建炎三年以爲紹興誤

國朝

吳吉姑父紹宗被媒欺受江邑聘爲僕婦比覺悔無及矣白
於族族以紹宗不謹陷女於賤祠法當黜紹宗憂鬱無措

女曰族議黜父以我故也母畱我以羞玷父族夜赴池塘
死越日屍浮衣裙密縫面色如生

新增 祀節孝

按前續志共列女若干人其中葉德彰詹清妻俱載李
空同集今增入者倍蓰其數何貞烈之多歟士有二三
其德轉不若巾幗之志初終不渝抑可羞也顧無聖賢
之遠識第思執所見匣區表異流俗闕觀女貞君子醜
其行矣

補錄節孝

程國球妻毛氏年廿九守節甘貧終養舅姑喪葬竭力苦育
兩孤成立六十二歲卒

程儲楓妻吳氏年廿九守節甘貧撫遺孤成立五十六歲卒
陸繼基妻程氏年廿三守節甘貧撫兩世孤心力俱瘁現年

玉山縣志

卷二十四

列女志

三十三

七十四 以上三都

錢開瑾妻程氏年廿一守節甘貧撫兩世孤心力俱瘁現年
五十八

錢上溜妻祝氏年廿三夫亾子開來在抱紡績奉舅姑八十
三歲卒開來領歲薦程溱詩巍巍冰雪心皎皎柏舟節課
讀慰亾人心柘存點血

朱大松妻曾氏年廿二孀守勇姑定省無懈繼子養育有成
六十二歲卒 以上四都

吳渚妻周氏年廿七孀守撫孤賴紡績以底成立五十九歲
卒 八都

詹元佐妻周氏年三十孀守撫孤晨夕無間舅姑詬誶不聞
妯娌俯仰皆資紡績現年八十四歲 九都

吳應台妻董氏年廿八守節撫孤紡績度日祖舅姑勸其再
適董載髮白誓侍奉無虧訓子克立知縣張公仕廷員外
郎裴公顯相先後匾獎踰七旬卒 十一都

祝兆祥妻陳氏年廿八孀守事舅姑育孤子紡績外一無所
資而閨範能恪七十七歲卒 十二都

俞棠妻吳氏年廿八孀守終事舅姑惟謹撫遺孤成立教養
兼盡清節無瑕七十八歲卒 三十六都

蔡兆旌妻魯氏年廿六夫歿無嗣矢志孀守紡績自任舅姑
無缺於養現七十歲以上十有二人俱書成後補錄以勵

苦節 六都